

BUNG-AW SA KAHILADMAN NGA WALAY KINUTOBAN (THE BOTTOMLESS PIT)

~~~~~

**S**ukad sa kaniadto si satanas nagtugbang kanunay sa boluhaton sa Dios sa tanan niyang mahimo aron lamang sa pagpahisalaag bisan pa ang mga pinili sa Dios. Bisin sa wala pa ang tao, sa diha pa siya sa mahimayaong kahimtang ingon nga si Lucifer, anak sa kabugason, si satanas nagpaningkamot nga mahisama siya sa Dios. Unya nahulog siya sa gracia ug iyang gipahisalaag ang ikatulo nga bahin sa mga manolunda ug gidala niya kini sa kalibutan (Isa.14:12-15; Pin.12:4). Oo, siya nahimo na nga kabatok sa Dios, hangtud nga nia pa siya sa kalibutan dili siya mohunong pagbabag sa mga plano sa Dios.

Ang mga tao sa Dios sama ni Abraham, Isaac ug Jacob mao ang mga bulahan nga mga tao. Karon, kon ikao naghunahuna nga ako nagponting sa tawhanon o natural nga Israel, palihug ug basa sa Galacia 3:29:

*“Ug kon kamo mga iya ni Cristo, nan, kamo mga kaliwat ni Abraham, mga manununod sa saad”.*

Amen. Tinuod, ang Balaang Kasulatan sa Dios gisulat alang kanato, ang tinuod nga mga magsisimba sa buhi nga Dios, niadtong Bugtong Anak, si Jesus Cristo, gipadala ingon nga halad pasig-uli alang sa atong mga sala (1 Jn.4:10). Dili lang kay gisulat alang sa atong kaluwasan ug pagmaymay. Ang hinungdanon sa bahin sa kasulatan mao ang mga tagna nga nagpasidaan kanato sa mga butang nga manghitabo unya. Sa karaan nga kapanahonan, Ang Balaang Tawo sa Dios gipalihok pinaagi sa Espiritu Santo, nagtagna sa mga butang umalabot, panghitabo nga mahinabo sa atong panahon. Tanan sila, ang Balaang kasulatan naghigot sa gipili nang daan sa Dios diha kang Jesus Cristo ug unsay pagabuhaton sa yawa aron lang sa pagtuis sa plano sa Dios.

Ang teksto sa atong pagtoon nia sa libro sa Pinadayag 9:1-12. Ang atong pagtoon niining BUNG-AW SA KAHILADMAN NGA WALAY KINUTOBAN nagadala kanato balik sa kaniadto ug sa unahan sa umalabot sa diha nga atong itandi "ang mga espirituhanon nga mga butang ngadto sa espirituhanon" (1 Cor.2:13). Niini nga pagtoon, atong gihulagway ang "Bung-aw sa kahiladman nga walay kinutoban" sa kinatibuk-an dili sa tinagsa diha sa una nga alaut.

*"Ug ang ikalima nga manolunda mihuyop sa iyang trumpeta, ug nakita ko ang usa ka bitoon nga nahulog sa yuta gikan sa langit; ug sa bitoon gihatag ang yawi sa bung-aw sa kahiladman nga walay kinutoban.*

*Ug iyang giablihan ang bung-aw sa kahiladman nga walay kinutoban, ug gikan sa bung-aw misulbong ang aso nga daw aso sa usa ka dakung hudno, ug mingi-ob ang adlaw ug ang kalangitan tungod sa aso gikan sa bung-aw.*

*Ug gikan sa aso nanggula ang mga dulon nga mihugpa sa yuta, ug kini sila gihatagan ug gahum maingon sa gahum sa mga tanga sa yuta.*

*Ug sila gipinahan nga dili nila pagdagmalan ang tanaman sa yuta, o ang bisan unsang lunhaw nga nanagtubo, o ang bisan unsang kahoy, kondili ang mga tawo lamang nga walay timbri sa Dios diha sa ilang mga agtang.*

*Sila gitugotan sa pagsakit sa maong mga tao sulod sa lima ka bulan, apan dili sa pagpatay kanila; ug ang kasakit nga ilang ipaantus sama sa kasakit nga ipaantus sa tanga inigpaak niinig tawo.*

*Ug niadtong mga adlaw ang mga tawo mangita sa kamatayon, apan dili sila makakaplag niini; mangandoy sila nga unta mangamatay, apan ang kamatayon molikay kanila.*

*Sa ilang panagway, ang mga dulon daw mga kabayo nga andam alang sa gubat, sa ilang mga ulo dihay morag mga purongpurong nga bulawan; ang ilang mga nawong ingon sa mga nawong sa tawo.*

*Ang ilang buhok ingon sa buhok sa babaye, ug ang ilang mga ngipon ingon sa mga ngipon sa leon.*

*Sila may mga hingbis nga daw mga kotamaya nga puthaw, ug ang hinadyong sa ilang mga pako daw kagahub sa daghang mga karo ug mga kabayo nga nanagpanalagan ngadto sa panggubatan.*

*Sila may mga ikog nga morag tanga, ug may mga suyod ug diha sa ilang mga ikog anaa ang gahum sa pagdagmal sa mga tawo sulod sa lima ka bulan.*

*Sa paghari kanila dihay ilang gikapahari, nga mao ang manolunda sa kahiladman nga walay kinutoban, ang iyang ngalan sa pinulongang Hebreohanon mao si Abadon, ug sa pinulongang Gresyanhan siya ginganlan ug si Apolion.*

*Ug ang unang panghimaraot milabay na; tan-awa duha ka panghimaraot umaabot pa."*

## PANAN-AWON

Niadtong tuig 96 A.D., panahon diin siya gibutang sa isla sa Patmos, Si Apostol Juan diha sa espiritu sa Dios sa adlaw sa Ginoo ug gipakita ang mga butang panan-awon nga nagakasunod nga panghitabo diha sa Iglesia dinhi sa

kalibutan. Sukwahi sa gisulti sa daghang mga ministro nga nagtudlo, wala si Juan mobiyahi ngadto sa umalabot, wala siya mobiyahi ngadto sa usa ka dapit sa umalabot nga tuig o kapanahonan, aron lamang sa pagtan-aw sa unsay mahitabo. Wala si Juan gidagit ngadto sa umalabot. Wala siya gidala ngadto sa Espiritu didto sa langit. Siya gidala ngadto sa espiritu ni Cristo aron iyang makita ang mga tagna nga magapanghitabo. Siya gipakitaan ug panan-awon sa panghitabo kaniadto ug sa umalabot. Yano kaayo diha sa iyang mga sulat nga iyang gikudlit ang iyang nakita nga literal, sama sa; tao diha sa kabayo nagsakay nga dunay pana apan walay pasan; o dulon nga tan-awon nimo morag mga iggugubat nga kabayo ang ilang dagway morag tawo nga ming-gimaw gikan sa bung-aw sa kahiladman nga walay kinutoban. Wala siya nausab ngadto sa simbolo o sa bisan unsa sa diha nga nakita niya ang panan-awon. Ang Dios nagpakita kaniya sa yano nga mga butang. Apan unsa man ang mga kahulogan sa mga timailhan nga iyang nakita dili yano, tungod kay ang mga butang sa Dios nga mga espirituhanon, maila diha sa spirituhahon nga pagkaila dili sa tawhanon nga pagpanabot (1 Cor.2:14). Ang libro sa Pinadayag nagkinahanglan nga mainampoon ug sa husto nga pagbahinbahin tali sa unsa nga ginahulagway diha sa mga timailhan.

## **UNANG PANGHIMARAOT**

Sa Pinadayag 8:12-13, human sa pagtingog ug paglabay sa ika-upat nga trumpeta, ang manolunda nagpahibalo sa umalabot nga tulo (3) ka alaot nga ibobo sa kalibutan. Pinadayag 9:1-12, naghisgot sa unang alaot. Ang mga panghitabo niining bahina sa tagna matuman diha sa tunga-tunga sa katapusan nga semana sa tagna ni Daniel sa diha nga putlon o supakon sa Anti-Kristo ang ilang kasa butan uban sa daghan politiko ug sa mga relihiyoso nga mga tawo dinhi sa kalibutan (Dan.9:24-27). Ang tawo sa kalapasan, ang tawo sa kalag-lagan magapatay sa duha ka saksi tungod kay nakahimo sila ug kasamok sa diha nga nagwali sila sa pulong sa Dios sulod sa 1,260 ka mga adlaw o 42 ka bulan (Pinadayag 11:3-12; 8:6-12). Siya magalingkod sa Templo sa Jerusalem ug magpaila nga siya mao ang Dios (2 Tesalonica 2:3-4). Siya mao ang yawa nga nagsul-ob sa unod, ug ang malaglagon nga pasipala diha sa balaan nga halaran didto sa templo sa Buhi nga Dios sa Israel.

Sa iyang panan-awon, gipakita ngadto kang Juan ang yawan-on nga kalihukan niadtong nahulog nga bitoon. Hangtud karon, ang tanan nga gipakita sa iya natuman karon apan ang kinatibuk-an gayod sa tanan nga panan-awon adto sa unang lima ka bulan sa tunga-tunga sa ika 70 nga simana sa tagna ni Daniel (Pian.9:5,10).

## **NAHULOG NGA BITOON, YAWI, BUNG-AW SA KAHILADMAN NGA WALAY KINUTOBAN**

Sa diha nga ang panan-awon gipakita kaniya, gipatan-aw siya niadtong nahitabo na aron iyang mahulagway ang kapungot nga moabut unya sa

kalibutan. Atong mahibaloan, unsa ang atong nabasa sa sulat ni Apostol Juan mao gayod ang iyang nakita sa panan-awon. Diha lamang sa espiritu sa Pinadayag, atong masabot kon unsa ang kinatibuk-an sa panan-awon.

*“Ug ang ikalimang manolunda mihuyop sa iyang trumpeta, ug nakita ko usa ka bitoon nahulog sa yuta gikan sa langit, ug sa bitoon gihatag ang yawi sa bung-aw sa kahiladman nga walay kinutuban” - Pinadayag 9:1*

Lahi nga bitoon nga nahulog didto sa katubigan ka kalibutan, diha sa ikatulo nga trumpeta (Pin.8:10) nga nagpunting sa kaguliyang diha sa kawanangan nga mahitabo pinaagi sa bulohaton sa duha ka saksi, kini nga bitoon usa ka manolunda, ug walay lain kon dili si Lucifer *“ug sa bitoon gihatag ang yawi sa bung-aw sa kahiladman nga walay kinutuban”*. Si Lucifer nagpaningkamot nga mahisama siya sa LABING HALANGDON NGA DIOS. Siya usa ka binuhat sa Dios. Apan siya nalimbongan. Kinsa man ang naglimbong kaniya? Wala, gawas lamang kaniya (1 Cor.3:18, Gal.6:3). Siya gihulog gikan sa iyang nahimutangan ug nahimo siya nga magsusupak o kaaway sa Dios. [Pahibalo – Daghan sa giingon nga Magtotoo sa Biblia naga-angkon sa Mateo 24:24 ug nagpahayag nga sila mao ang pinili ug dili gayud mahisalaag nga mga pinili. Apan sama ni Lucifer, ang dinihug nga kerubin nga puno sa kaalam (Ezek.28:12), busa kini nga nagpakamagtotoo nahisalaag ra sa ilang kaugalingon.]

Gidala sa yawa ang ikatulo nga mga bahin sa mga manolunda sa diha nga siya nahulog. Ug human niana dihay panagkaaway batok sa mga manolunda sa langit nga matitud-anon sa Magbubuhat sa Langit. Ug kadto usab nga mi-uban sa kaaway sa Dios. Basaha Pinadayag 12:7-9; 12:4a. Kadtong misunod sa yawa gilaglag. Sila gikuhaan sa katungod ug wala na sila’y kahigayonan sa pagduol sa trono sa Dios. Sila dinhi na lang sa kalibutan. Dili na sila makahimo paggamit sa ilang langitnon nga katungod dili sama niadtong nagpabilin nga matitud-anon sa ilang Magbubuhat. Nahimo sila nga tigpangita ug samok nga abusar sa ilang gahum. Sila nahimo nga mga dautan nga mga espirituhanon panon diha sa kalangitan. Nagakaunlod nga binuhat. Ang ilang mga panghunahuna ug kalihukan pulos yawan-on. Ang pulong *“devil”* kon Yawa — nagkahulogan ug kanunay naghimo sa kadautan.

Kini nga nahulog nga bitoon gihatagan ug yawi sama usab sa Bitoon sa kabuntagon — Jesus Kristo, gihatagan usab sa yawi (Isa.22:22; Pin.3:7). Si Satanas gitagaan ug yawi – gahum o kagahum – aron pagbuhat sa iyang gusto nga iyang pagabuhaton. Ug sa Bung-aw sa kahiladman nga walay kinutuban. Siya mao ang dios niining yawan-on nga kalibutan (pakapin adunay mga magwawali nagalimod nga ang yawa gihatagan ug Yawi, ug sila naglimod usab ang yawa adunay pagbulot-an o paggahum. Sila nagto-o nga ang bito-on sa Pinadayag 9:1 dili mao si Satanas kon dili mao ang manolunda nga gihatagan sa yawi sa bung-aw sa kahiladman nga walay kinutuban, nga minglupad sa kalibutan nga nakahatag ug panghuna-huna ni Juan nga kadtong bitoon nga nahulog sa kalibutan) basaha Epeso 2:2 ug 6:12.

Ang pagkahulog sa tawo kabahin sa plano sa Dios aron ang iyang gimbut-an nang daan nga katawhan sa Dios o predistinado mamahingpit diha kang Kristo Jesus (Roma 8). Busa, gibutang sa Dios ang yawa (ingon nga pagkasulti) aron sa pagsulay sa iyang daan nang gipili nga katawhan. Ug si satanas, ingon sa iyang kahimtang, kanunay maga-awat sa buhat sa Dios aron lamang sa pagpanghisalaag bisan pa ang mga pinili, kon mahimo, Iya pa gani nga gisulayan si Jesus Kristo aron sa pagsimba kaniya (yawa), basaha ang Mateo 4:8-9.

Kita nakasabut sumala sa kasulatan nga adunay gi-andam nga Gingharian BALAANG SIYUDAD, BAG-ONG JERUSALEM — nga pagabuhaton sa iyang bugtong Anak (Pinadayag 21:1:22:5). Ang magtutukod niining maanindot nga siyudad nga espirituhanon mao ang Dios. Kining gingharian sa Dios adunay matuod nga patukoranan nga walay lain gawas ni Jesus Kristo (1 Cor.3:11; Heb.11:8-10). Ang yawi gihatag kang Kristo (Isa.22:22; Mateo 28:18, Pin.3:7). Diha kaniya ang gahum ug kagahum. Ug si Apostol Pedro mao ang una sa iyang mga apostoles ni Kristo nga nakadawat sa yawi sa gingharian sa langit (Mateo 16:15-19). Sugod sa adlaw sa Pentecostes, si Pedro ug ang uban nga mga Apostoles nagsugod sa pag-abli sa gingharian sa langit, nagpadayag sa bililhong kamatouran sa Dios nga Kinabuhing dayon, Milagrosong pagpang-ayo sa mga masakiton espirituhanong gasa, ug uban pa. Diha kanila ang kagahum ug gahum sa paghimo sa bulohaton sa Dios. Sa diha nga ang satanas nagsundog-sundog sa mga bulohaton sa Dios. Siya nagsugod sa pag-awat sa gingharian sa langit, sukad pa sa sinugdan didto sa tanaman sa Ederi. Ang iyang mga sagabay nga mga yawa nagsundog-sundog sa mga tinood nga mga alagad ni Ginoong Jesus-Kristo. Apan atong mahibaloan siya usab gihatagan sa yawi sa bung-aw sa kahiladman nga walay kinutoban.

Sukwahi sa uban nga mga pagtulon-an, ang bung-aw sa kahiladman nga walay kinutoban dili walay katapusan nga imperno o walay katapusan nga linao nga kalayo. Ang mga pulong "*kahiladman nga walay kinutoban*" o "*bung-aw*" dili mahimo nga itumbas sa pulong "*walay katapusan*" ug "*imperno/linao nga kalayo*", Walay butang nga gitawag ug linao nga kalayo diin ang mga kalag pagasunogon sa walay katapusan. Ngadto sa mga Kristohanon ang pulong "*eternal*" o "*walay katapusan*" o "*hangtud sa walay katapusan*" o "*everlasting*" diha sa Biblia kini sila pareha ra bisan sa Dictionario — "*hangtud sa kahang-turan, walay katapusan*". Kini nagamugna dayon mahitungod sa doctrina nga walay katapusan ang imperno, kalayo diin gitudlo nga ang tanan mga dautan nga mga kalag pagasunogon sa walay katapusan diha sa linao nga kalayo. Hinoon, sa lain bahin tinuod. Ang linao nga kalayo dili walay katapusan o eternal kini matapus ra sa dugaydugay nga panahon. Ang tanan mga dautan nga mga kalag mangahanao ra human sa ilang mga bahin didto sa linao nga kalayo (Pin.21:8; 20:11-19; cf. Ezek 28:11-19). Ang bugtong mga kalag nga pagatipigang buhi kadtong mga kalag nga may kinabuhing dayon nga gikan sa Dios. Diha lamang kaniya ang Kinabuhing dayon (I Tim.6:16). Gawas sa Dios, walay kinabuhi.

Ang bung-aw usa ka bangag o lungag matag bung-aw aduna gayod kinutuban. Apan dinhi atong makita nga ang bung-aw sa kahiladman nga walay kinutuban, usahay pagatawgon nga walay kinutuban nga bangag. Dili, kini dili lunsay nga lungag nga gibangan padulong sa tunga sa yuta hangtud nga milapos luyong bahin sa yuta. Ug wala usab dinhi sa kalibutan nga adunay bangag nga gihukay ug kini gitrangkahan. Ang bung-aw, nga gipakita kang Juan sa iyang panan-awon, naghisingot mahitungod sa usa ka hulagway nga mahugaw, yawan-on. Ingon nga walay kinutuban, walay patukoranan, bisan unsang butang nga walay patukoranan walay kapuslanan ug walay bili. Wala na unyay'y kapuslanan pa kon ang usa mahulog niining bung-aw sa kahiladman nga walay kinutuban tungod kay sa sige siya kahagbong wala may tinubgan maoy hinungdan nga malisod gayud ang pag-ikyas niining maong bitik.

Tinuod, Si Satanas naghimo ug usa ka mahugaw nga siyudad, reliheyoso nga pagsundog-sundog sa mato-ud nga butang sa Dios. Sa ingon ni Lucifer, si Satanas nga gihatagan ug kaalam ug kahibalo (Ezek.28:12-15). Apan nanamkon sa iyang kaugalingon nga pagkahisalaag – nga mahimo nga sama sa Labing Halandon – ug nahisalaag (Isa.14:12-14). Si Satanas nagapangita sa pagbalit-ad sa kamatuoran sa Dios. Diha sa relihiyoso nga paagi nga aron siya makaangkon sa tibuok kalibutan. Ingon nga diha kaniya ang yawi sa bung-aw sa kahiladman nga walay katapusan, si Satanas adunay gahum sa paglimbong sa buhat sa Dios pinaagi sa pagtukod niya ug relihiyoso nga gingharian nga molangkob sa tibuok kalibutan ug magpahisalaag sa tanan nga magatan-aw sa katahum. Kini nga hugao nga siyudad gitawag ug Tinago, Bantugang Babilonia, Inahan sa tanan mga bigaon ug dulumtanan sa tibuok kalibutan. (Gen.11:4; Pin.17:4-5). Ug si Juan (Ingon nga pangasaw-onon ni Kristo) nakakita sa panan-awon niining yawan-ong gahum diha sa bung-aw sa kahiladman nga walay tinubdan, Ang Iglesia sa Dios gitagaan sa pinadayag kon unsaon sa yawa ug sa iyang mga sagabay paghimo sa ilang mga plano. Kini nga mga nahulog nga mga espiritu nga yawan-ong manulunda nagpahisalaag sa mga tawo pinaagi sa ilang mga relihiyoso nga ulog-ulog. Ilang gigapos ang mga tawo ug ilang gisul-oban sa bisti sa pulong sa Dios nga sinagulan ug mga pagtulon-an sa mga tawo. Ang ilang dakung katuyoan niini mao ang paglaglag sa mga tawo.

## ASO O PANGANUD

*“Ug iyang gi-ablihan ang bung-aw sa kahiladman nga walay kinutuban ug gikan sa bung-aw misulbong ang aso nga daw aso sa usa ka dakung hudno, ug mingi-ob ang Adlaw ug ang kalangitan tungod sa aso gikan sa bung-aw.”*  
- Pinadayag 9:2

Tungod sa kagahum nga gihatag kaniya, si Satanas nagpasundayag sa iyang gahum sa diha nga gi-ablihan niya ang bung-aw sa kahiladman nga walay kinutuban ug nakahigayon siya sa pagpakita sa iyang gahum ug buhat. Naghimo siya ug daku nga gingharian-bantugang siyudad, bantugan nga simbahan — nga walay patukoranan. Sa diha nga ang yawi nagbukas ug ang

mahugaw nga pamaagi gibutyag, dakung aso ang misulbong gikansa bung-aw nga imperno sama sa aso nga migawas sa dakung hudno. Ug nakapahimo ug daku nga talan-awon nga bisan pa gani ang adlaw ug ang hangin nahugawan.

Usa kini ka dakung kalihokan? Si Satanas nagminao-mao sa dakung panganud, o aso, sa himaya sa Dios diin ang Dios mopadayag sa iyang himaya ngadto sa Israel pinaagi ug panganud (Exod.16:10; 19:18; Num.9:15-16; 2 Chron.5:13; Isa.4:5). Ang haligi nga panganud o aso nagpa-ila sa PRESENCIA SA DIOS. Kini usa ka panalipod sa mga anak sa Dios (Salmo 105:39). Pinaagi sa himaya sa Dios adunay panganud nga magpakita didto sa adlaw sa Pentecostes, kalayo ang ilang nakita diha sa libro sa mga apostoles sa Buhat (Buhat 1:19-11; 2:1-4). Wala gayo'y aso kon walay kalayo, ingon sa sulti sa uban. Walay kahayag. Hibaloi, ang himaya sa Dios pinaagi ug panganud (o balaan nga aso) gikan sa langit, ang aso sa yawa nga mahugaw gikan sa ilalum. Bisin pa niana, malisod usahay ang pag-ila kanila. Nagkinahanglan ug dagku nga mga pamuhay aron lang sa pagkuha sa maminaway maingon usab sa gibuhay sa Dios pinaagi sa DAKUNG PANGANUD.

Mga higala, ang pinadayag nga nakita dili literal o pinapulog nga aso apan kini usa ka espirituhanon nga aso. Tinuod, nga adunay mga pagtudlo nga kining maong aso ug mga dulon nga dunay gahum sama sa tanga diha sa ilang mga ikog (sa Versiculo 3-10), nga literal o pinapulog nga mogawas gikan sa imperno (bangag diha sa kalibutan) sulod sa DAKUNG KASAKITAN ug ilang pun-on ang tibuok kalibutan aron sa pagtuok, ug pagsakit sa mga tawo. Apan, ako magpalain niini nga panabot.

Sukad sa kapanahonan, si satanas kanunay gayud maghimo ug supak nga buhat sa Dios. Siya kanunay magpalabao ug magbihag sa mga pamaagi kay sa Dios. Siya naghimo ug dagku ug nindot nga mga relihiyoso nga dapit aron sa pagsimba, naghimo ug maanyag nga sanina alang sa iyang mga propeta ug magtutudlo, naghimo ug makapadani nga mga relihiyosong sistema aron lang sa pagtagbao sa mga masa. Tungod niini, ang dakong aso diri sa bung-aw sa kahiladman nga walay kinutoban nagmatuod sa bakak nga himaya, pag-angkon nga ang Dios diha kanila sa ilang sistema. Apan ang mga relihiyosong mga tawo naka-sabot ba niini? Nahibalo ba sila sa ilang gisimba? Intawon sa kadaghanan kanila wala mahibalo niini. Sama sa babae nga samaritanhon nga gika-estorya ni Jesus diha sa atabay. Wala sila masayud sa ilang ginasimba (Juan 4:20-24). Sama sa mga anak sa Israel diha sa ilang pag-EXODUS gawas sa Egipto. Sila dali ra nga nahisalaag ug nagsimba sa babak nga dios (Ex.32:1-10). Makalolo-oy kaayo, tungod sa walay kahibalo sa mga tawo. Ang yawa maoy ilang gisimba sa daghan mga simbahan karon.

Ang tawo sa iyang kinaiya masimbahon tungod kay si Adan gibuhay sama sa dagway sa Dios. Ang tawo adunay iyang kadani sa pagsimba sa iyang magbubuhay. Apan, tungod sa sala ang tawo hugaw sa tanan paagi, Dili na siya espirituhanon. Ang iyang pagduol sa Dios nababagan sa iyang masal-anon nga

kinaiya. Ingon diri sa 2 Tim.3:2-5 – “Kay ang mga tawo unya magahigugmaon man sa ilang kaugalingon, mga hinapi, tigpagawal, hambogero, tampalasan, masukihon sa mga ginikanan, walay igabalos, dili diosnon, walay pagbati sa paghigugma, dili molokmay, tigbutang-butang, mapatuyangon, mabangis, dili mahigugmaon sa maayo, mabudhion, madali-dalion, tigpaburot, nga nagahigugma sa kalibutan inay sa Dios unta hinoon, nga nagabaton sa dagway sa tinoohan apan nagapanghimakak sa gahum niini”. Tungod sa lama sa pagkadautan sa iyang pagkatawo, ang tawo gusto mosimba sa Dios diha lamang sa iyang kaugalingon ug hinakog nga kinutoban. Ug ang satanas, sa diha nga siya nahibalo sa kaluyahon sa tawo sukad sa pagkahulog, naggamit niini nga pamaagi ug naghimo ug relihiyoso nga gingharian. Si satanas naghimo ug usa sa **SESTEMA SA NABATASAN NGA PANGRELIHIYOSO SA KALIHOKAN UBAN SA DAGKUNG TAWHANON NGA KAALAM UG NINDOT NGA MGA TALAN-AWON**. Kini iya lang gisagulan ug gamay nga Pulong sa Dios arong ingnon nga diosnon nga balaanon aron mapahimout kadtong mga tandogonon nga mga tawo ug babaye. Igo na sa yawa ang pagpahisalaag niadtong dili maihap nga mga kalag sa pagbaton kanila sa bakak nga paglaum sa kaluwasan piaagi niana iya sila madala ngadto sa bung-aw sa kahiladman nga walay kinutoban. Sa diha nga ang tawo mabitik niya lisod kaayo ang paggawas. Sa diha nga mahulog ikaw sa lawon-lawon, lisod-lisod na sa pagpahiwagas pa niana nga bung-aw.

Kini gitawag ug “*Bakak nga Presencia*” — Ang aso sa bung-aw sa kahiladman nga walay kinutoban nga binuhat sa yawa, nakuha kini sa mga relihiyoso nga katawhan pinaagi niining panahona. Sa diha nga gibo-bo sa Dios ang iyang esperitu aron sa pagpukaw sa iyang iglesia, si satanas usab nagsumay-sumay sa mga gasa nga giapod-apod sa Espiritu Santo. Pinaagi sa mga sologo-on sa yawa uban sa iyang tawhanon nga kaalam, ang mga GASA sa Dios gisundog. Ug ang pagsundog mora ug tinoud gayud maoy hinungdan nga sa matag tigum sa mga anak sa Dios kadtong mga gasa maoy kanunay nga pagapangitaon sa mga tawo. Karon daghan ang atong makita nga dagkung revival o pagkapukaw sa daghan mga iglesia, nga nagpamatuod nga ang “*HIMAYA SA DIOS NAGA-UBAN*”. “*ATONG NABATI ANG PRESENSIA SA DIOS KARON*” ug sama niini ang atong makita karon tungod kay sila nagsulti sa mga Dila, nagtagna, o gibati ang talagsaon kali-hukan. Ug sila nagato-o nga kini mao ang resulta sa bautismo, o pagpapuno o gasa sa Balaang Espiritu.

Malisod kaayo nga mao kini ang tinuod nga bautismo sa **ESPIRITU SANTO**. Usa ka pangutana nga atong makita “*SA UNSA ANG BALANG ESPIRITU SANTO GIHATAG?*” Ang tubag dili mao kini “*NGA KITA MAGASULTI UG NAGKA LAIN-LAIN NGA MGA DILA, MAG TAG-NA, ADUNAY DAGHAN NGA MGA GASA, O BASTA MAAYO LANG GOD*”. Apan ang insakto nga tubag naa makita sa Juan 14:26 “*Apan ang manlalaban, ang Espiritu Santo, nga sa akong ngalan igapadala sa Amahan, Siya mao ang magatudlo kaninyo sa tanan butang ug magaphinum dum kaninyo sa tanan nga akong gisulti kaninyo.*” Amen! Mao kana ang katuyo-an sa gasa sa Balaang Espiritu Santo.



Ang tanan nga mga tinuod nga natawo pag-usab gisilyohan sa Espiritu Santo sa adlaw sa pagtubos kanila. Apan, sa daghan nga nagasulti nga diha kanila ang Espiritu Santo wala sila nakasinati nga sila gitudloan sa Espiritu sa tanan. Dili ba ang **ESPIRITU SANTO GIHATAG ARON KITA IYANG MAGIYAHAN SATANAN BUTANG NGA DIHAKANG KRISTO UG PAGHIMAYA KANG KRISTO?**

*“Daghan pa ako’g isulti kaninyo, apan dili pa kamo makadaug sa pagdala niini karon.*

*Inig abot sa Espiritu Santo sa kamatuoran, kini siya mao ang magatultol kaninyo ngadto sa tibuok nga kamatuoran; kay siya dili magasulti sa iyang kaugalingong pagbulot-an, hinonoa ang iyang madungog mao ang iyang isulti ug ang mga butang nga umalabot iyang igatug-an kaninyo.*

*Siya magapasidungog kanako, kay siya magakuha man sa mga butang nga ania kanako ug iyang igasugilon kini kaninyo.*

*Ang tanan nga ginahuptan sa Amahan, kini ako, mao man gani nga giingon ko nga siya magakuha sa mga butang nga ania kanako ug iyang igasugilon kini kaninyo.”*

- Juan 16:12-15

Di ba kahibulongan man kini kaayo? Tinuod, daghan sa mga Kristohanon naga-angkon nga sila adunay Espiritu Santo apan ang ilang **PAGTO-O** supak sa yano nga pagtulon-an sa **PULONG SA DIOS**. Yano nga mga pagtulon-an Sama sa bautismo sa tubig sa **NGALAN NI GINOONG JESUS KRISTO** (dili bautismo sa ngalan sa Amahan, Anak, ug Espiritu Santo), **PAGKAUSA SA DIOS** (dili tulo ka personas ang usa ka Dios). **PAKIGHILAWAS** sa Espiritu o sa unod-non — nga maoy hinungdan sa pagkahulog sa tawo. (Mao kana ang binhi sa serpinte nga doctrina), dili ingon sa pagkaon sa literal nga prutas sama sa mansanas. **PREDISTINADO** (nagpili ang Dios nang daan sa wala pa ang kalibutan aron maluwas) pinaagi sa laraw sa iyang pagbuot — dili kay wala mahibalo ang Dios kon kinsa ang maluwas ug ang **PAGKAHANAO SA DAUTAN NGA MGA TAWO** (dili ingon nga ang mga dautan adunay kinabuhing dayon diha sa imperno nga diin sila pagasunogon sa walay katapusan). Ug ang tinuod, pinaagi sa mga bunga, ang pagpamatuod diha sa ilang kasingkasing sa ilang **PAGTO-O** ug sila imong mahibaloan. Ang pagpamatuod nga supak sa **PULONG SA DIOS** magapahayag ra unya sa **ADLAW SA PAGHUKON**. Si Jesus nagsulti. . .

*“Ang maayong tawo magapagulag maayo gikan sa maayong bahandi; apan ang dautang tawo magapagulag dautan gikan sa iyang dautang bahandi.*

*Sultihan ko kamo nga sa adlaw sa hukon ang mga tawo magahatag unya’g husay bahin sa matag pulong nga walay pulos nga ilang ginalitok. Kay pinaagi sa imong mga pulong pagamatarungon ikaw, ug pinaagi sa imong mga pulong pagahukman ka sa silot.”*

- Mateo 12:35-37 (uban Lukas 6:43-46)

*“Dili ang tanan maga-ingon kanako, Ginoo, Ginoo, makasuod sa gingharian sa langit, kon dili ang nagatuman sa kabubut-on sa akong*

*Amahan nga anaa sa langit.*

*Daghan unya ang maga-ingon kanako niadtong adlaw, Ginoong, Ginoong, dili ba nagahimo man kamig mga propesiya tungod sa imong ngalan, ug nanagpagula sa mga yawa tungod sa imong ngalan, ug nakahimo sa daghan milagro tungod sa imong ngalan?*

*Ug unya maga-ingon ako kanila - Wala ko gayud kamo igkaila, pahawa kanako, kamong mga mamumuhat ug dautan.”* - Mateo 7:21-23

Kini nga mga pulong ni Ginoong Jesus makapangutana sa daghang mga magwawali sa Maayong Balita ug niadtong nagahimo ug mga milagro nga mga magbubuhay sa pagsusi pag-ayo kon unsa ang ilang nabuhay. Adunay dagkung mga Ministro sa MAAYONG BALITA nga nagahimo sa buluhaton sa Dios nga dili kabubut-on sa Dios. Daghan nag-angkon nga **“GITAWAG AKO SA DIOS”** apan ang ilang mga bunga sa ilang mga ngabil nagpamatuod sa matoud gayud nga ang ilang PAGTOO wala gipagamut sa KABUBUT-ON SA DIOS. Ug ang KABUBUT-ON SA DIOS ANAA MAKITA SA PULONG SA DIOS. BISAN UNSANG PAGTOO BASTA SUPAK SA PULONG SA DIOS DILI IYA SA KABUBUT-ON SA AMAHAN NGA LANGITNON. Usa ka butang nga kita mahibalo kang Jesu-Kristo, apan lain na usab nga butang nga si Jesu-Kristo mahibalo kanato. Ang usa maka-ingon nga siya nahibalo kang Jesus apan wala magatuman sa kabubut-on NIYA. Tungod niana, bisan unsang butang nga gihimo alang sa Dios mahimo nga kawang. Gikinahanglan kaayo nga si Jesus Kristo mahibalo kanato sa suod gayud sama kang Abraham ug Isaac nga nahibalo sa ilang mga asawa sila nagmasinugtanon sa ilang mga bana.

## **ADLAW UG HANGIN**

Sa diha naghulagway si Juan niining pana-awon, ang dakung aso nagkaanam ug kadako-dako hangtud nga nasalipdan ang adlaw ug mingi-ob ug nahugawan ang kahanginan. Kahayag ug hangin maoy gikinahanglan sa tanang buhing butang. Kon ang Adlaw mangitngit ug ang hangin mahugawan, Ang natural nga mga buhi nga mga butang madilikado .Sa espirituhanon nga pagkasulti, Kini nga panghitabo naghigot sa buhat sa yawa aron ang himaya sa anak sa Dios ug ang kinabuhi diha sa espiritu dinha sa daghang mga Cristohanon nga pagsimba ug pagtoo iyang gingitngitan. Sa diha nga gibuhay sa yawa ang pag-aso ug dako, Ang iyang pagsundogsundog sa gitawag ug **“PRESINCIA SA DIOS”**. Diha sa daghang mga simbahan karon, apil niini ang gitawag ug mga Cristohanon niining katapusang kapanahonan o Endtime Message Churches, Iyang gihimo sa mga magsisimba nga mahilayo sa pagtan-aw ug paghimaya sa tinuod nga Anak sa Buhing Dios. Sa diha nga ang ilang mga mata gisamok sa Aso. Ang magsisimba nakabaton ug nagkalainlain nga pinadayag sa Ginoong Dios. Siguro moingon ikao, *“Dili ba kining mga tawhana nagsimba kang Jesus diha sa ilang mga simbahan?”* Ug ako mangotana, *“Sila ba nagasimba kang Cristo sumala sa Biblia?”*. Sama sa babaye nga Samaritanhon didto sa atabay, sama sa mga Parasio, mga Saducio, ug mga Escriba, Sila makasulti nga nagatoo sila sa Pulong ug

nagasimba sa Dios diha sa Biblia. Apan imong mahibaloan siyam sa napulo wala mahibalo kon unsa ang ilang ginasimba. Gisumaysamay sa yawa ang **"BALAANG ESPRITU SANTO"** maayong balita ug ang mga revival o pagkapukaw nagnitngitan diha sa kahayag sa kamatuoran sa Dios sa ilang mga pagtigom. Ang aso maoy nagasamok ug nagbabag sa ilang mga mata aron dili sila makakita sa tinuod nga HIMAYA SA ANAK SA DIOS. Unsa may pagabuhaton sa magsisimba, maoy ilang pagsunod sa mga buta nga nagadumala ngadto sa baga nga ASO sa bakak nga himaya, aron lamang sa gahong mangahulog sila (Mateo 15:14). Ang hangin-kawanangan sa ilang pagsimba nagadahunog sa ilang mga pagsingit ug *"Amen"*, *"Halleluia"* ug *"Dalaygon ang Dios"*. Tungod sa lahi nga mga pagtulon-an ug pagpadayag. Ang Romano Catoliko ug ang lain nga mga igsoon sama sa Luteran, Baptist, Methodist, Presbyterian, Charismatic ug uban pa adunay ilang kaugalingong singgit sa diha nga sila managkatigum. Ang saksi ni Jehova ug Mormons adunay ilang kaugalingon nga pagpamatuod sa ilang pagtoo, ug sa dili iglayo, Ang mga *"Branhamites"* adunay ilang mga kutlo diha sa *"Spoken Word"* books ug sa tapes nagasingit nga *"Ang propeta nagasulti niini..."* ug *"ang propeta nagasaysay niana..."*. Wala mahibalo sa ilang mga kinabuhi, hangtud ang ilang mga kalag nasirad-an tungod sa hugaw ug mapahisalaagon nga mga bakak nga doctrina sa tao ug napiligro ngadto sa kamatayon. Ang mga magsisimba nahisama sa *Zombies* o patay nga mibangon sa ilang pagsimba. Tinuod kaayo, nga adunay gahum sa pagkahisalaag sa ilang mga pagsimba.

*"Kay ang tinagoan sa kalapasan gipalihok na; mao lamang nga ang nagapugong niini karon nagapadayon pa sa pagpugong hangtud nga makuha na siya.*

*Ug unya ugaling ang masupilon igapadayag na, ug pagapatyon kini sa Ginoong Jesus pinaagi sa ginhawa sa iyang baba ug pagalaglagon kini pinaagi sa pagpadayag sa iyang pag-abut.*

*Ang pag-abut sa masupilon pinaagi sa paglihok ni satanas pagaubanan sa tanang kagahum ug bakak nga mga ilhanan ug katingalahan.*

*Ug pagaubanan sa tanang dautang nga paglimbong alang kanila nga pagalaglagon tungod kay sila nanagdumili man sa paghigugma sa kamatuoran aron mangaluwas unta sila.*

*Tungod niini, ang Dios magapadala kanila ug gahum sa pagkahisalaag aron sila managpanoo sa bakak,*

*Aron pagahukman sa silot ang tanang wala motoo sa kamatuoran, hinonoa nahimuot sa pagkadili matarung."* - 2 Tesalonica 2:7-12.

## **ANG MGA DULON NGA DUNAY GAHOM SAMA SA MGA TANGA**

*"Ug gikan sa aso nanggula ang dulong nga mihugpa sa yuta, ug kini sila gihatagan ug gahum maingon sa gahum sa mga tanga sa yuta.*

*Ug sila gipinahan nga dili nila pagdagmalan ang tanaman sa yuta, o ang*

*bisan unsang lunhaw nga nanagtubo, o bisan unsang kahoy, kondili ang mga tawo lamang nga walay timri sa Dios diha sa ilang agtang.*

*Sila gitugotan sa pagsakit sa maong mga tawo sulod sa lima ka bulan, apan dili sa pagpatay kanila, ug ang kasakit nga ilang ipaantus sama sa kasakit nga ipaantus sa tanga inigpaak niinig tawo.” - Pinadayag 9:3-5*

Ingon nga si satanas nagpadayon sa iyang aso diha sa mga Iglesia pinaagi sa mini nga *“presencia sa Dios”*, ang iyang yawan-ong espiritu nagapanglihok diha sa reliheyoso nga kalihukan. Niini lamang nga paagi siya makakuha ug daghang mga kinabig pinaagi sa iyang pagpahisalaag sa mga Cristohanon. Maingon nga gipadala sa Dios ang iyang langitnong manolunda aron sa pag-alagad ngadto sa iyang mga alagad. Si satanas usab nagpadala sa iyang mga imperyohanon nga mga demonyo aron usab sila mag-alagad sa iyang kaugalingon.

Ang mga ministro ni satanas mga lubo nga nagsul-ob ug bisti sa pagkakarnero, Sa laing bahin sila tan-awon ingon nga tinuod nga cristohanon, mapa-ubsanon, maayo, matinagdanon ug uban pa. Sa diha nga sila magasulti aron pag-ila sa ilang pagtoo, Diha lamang mahibaloan sa tinuod nga magtoo sa Biblia kon unsa sila.

Kining mga yawan-on nga mga manulunda ginalarawan ingon nga mga dulon sa panan-awon ni Juan aron makita ang ilang pagkamalaglagon ug salimoang nga kinaiya sa iyang mga alagad. Kita nahibalo nga ang mga dangan o pesti sama sa ulod nga dangaw-dangaw, dulon, lukton ug ulod nga hantataw, manga-on sa mga berde nga tanum. Apan ang dulon dili lamang mokaon sa berde nga dahon, sila *“mokuha sa kinabuhi sa tanum”*. Sa diha nga ilang buhaton kini sa hinay-hinay. Sa diha nga sila magdaghan paglupad ug motugpa sa mga tanum ang mga mag-u-uma walay mahimo sa diha nga kini mohugpa sa mga tanum. Ang mga tanum mangamatay sa diha nga hugpa-an kini sa mga dulon, ug sa segundo lamag, ang umahan walay kapuslanan. Mao kana ang ensakto nga kina- iya sa dulon (mga yawa) gikan sa aso sa bung-aw sa kahiladman nga walay kinutuban. Ilang pahimuslan ang kahuyang sa tawo. Sila mohugpa sa mga huna-huna sa mga tawo niadtong mangi-alamon, sa teology, siminaryohan nga mga ministro, nga nagbaton sa dagku nga mga grado, ug niadto usab nga mga buang-buang nga nagkaugalingon nga mga ministro sa Dios nga nagapanglakaw aron lamang sa subli-subli sa pagsulti O sama sa langgam nga *Parrot* ug magasulti mahitungod sa tinuod nga mga Anak sa Dios sa walay mga pinadayag sa buot ipasabot. Kini nga mga yawa magahulhug sa mga ministro ug pag-haylo kanila aron sa ilang pagpanudlo, maitudlo nila ang mga doktrina nga hinimo'g tawo. Basaha Mateo 15:7-9 ug Lukas 11:52, ug imong makita nga pareha ra nga kahimtang sa panahon ni Ginoong Jesus nga nagbadlong o nagsaway sa mga Escriba ug mga Paraseo.

*“Karnong mga maut! Maayo gayud ang pagkahimo ni Isaias sa profesiya mahitungod kaninyo nga naga-ingon:*

*Kining mga tawhana nagapasidungog kanako pinaagi sa ilang mga*

*ngabil, apan halayo kanako ang ilang mga kasingkasing;  
Kawang lamang ang ilang pagsimba kanako, sanglit sa ilang pagpanudlo,  
ila mang gikapa-doktrina ang kalagdaan nga hinimo lamang sa mga tawo  
Alaut kamong mga batid sa balaod! kay inyong gihikaw ang yawi sa  
pultahan sa kaalam; kamo wala mosulod niini, ug ang mga nanagsulod  
niini inyong gipanagpug-ngan."*

Tan-awa, nahitabo kini bisan sa panahon ni Jesus. Ug bisan sa pag-sugod sa Iglesia sa kapanahonan adunay mga mini nga mga Apostoles nga diin nanagpanungha uban sa ilang mini nga pagtulon-an (Pin.2:2). Mao ra nga espiritu sa pagminaut ang ania usab karon nga kapanahonan. Tuohi kini, igsoon, Kon dili ka mogawas nianang organisado nga reliheyoso nga sestima sa "TINAGO, BABELONIA, BANTUGAN, INAHAN SA MGA BIGAON, UG KAHUGAW SA KALIBUTAN", diha-diha ikaw malaglag (Epeso 5:5-17; Matt. 22:11-14) Kon duna kay kinaiya nga karnero, gumawas ikaw dayon ug humunong na sa pag-ingon nga kini maoy gisulti sa among pundok, kon unsay gisulti sa among simbahan, o unsay gisulti sa among pastor, o sa inyong pari, o sa inyong propeta, o sa inyong apostoles. **DILI SILA ANG HINGPIT O MATUOD NGA MAY KAGAHUM KON DILI ANG PULONG SA DIOS.** Ang ilang mga pulong usahay nindot paminawan apan ang litra makapatay hinoon. Ang espiritu sa LOGOS (PULONG) magahatag ug kinabuhi. Dumoul kamo diha sa kahayag (Adlaw)ug kinabuhi (hangin) sa **BUHI NGA ESPIRITU NI KRISTO ANG PULONG SA DIOS** ug ginhawa sa kinabuhi sa Espiritu ug dawata ang kinabuhing dayon. Pag-ampo nga ang Dios sa atong Ginoong Jesu- Kristo, ang mahimayaong amahan, magahatag kaninyo sa espiritu sa kaalam ug sa pinadayag diha sa kahibalo mahitungod kaniya (Efeso 1:17). Ang Dios buhi. Amen.

Kasagaran, ang mga dulon walay gahum sa pagsakit sa mga buhi nga mga binuhat, Hinoon, kining yawan-on nga dulon gihatagan ug gahum sama sa tanga diin ang iyang mga makahilo nga ikos makahimo sa pagpaul-ul sa kasakit sa lawas sa tawo ug kabinhod, makahanap, makalibo, ug makalinga sa hunahuna.

*"Sila may mga ikog nga morag tanga, ug may mga soyud; ug diha sa ilang mga ikog anaa ang gahum sa pagdagmal sa mga tawo sulod sa lima ka bulan."*

- Pinadayag 9: 10

Ang mga yawa ganahan niining dula-a nga "**SUNOD SA NAGADUMALA**". Sa diha nga si Satanas nahulog gikan sa iyang langitnon nga kahimtang nakadani siya sa ikatulo nga bahin sa mga manulonda nga "*mosunod sa iyang ikog*". Siya sama sa "**ANG MANALAGNA NGA NAGATUDLO SA KABAKAKAN, SIYA MAO ANG IKOG**" (Isa.9:15), Karon, kining mga nahulog nga mga manolonda nahisalaag sama sa yawa. Sila usab nakahimo "*samag Kristohanon*" nga magasunod sa ilang mga ikog ngadto sa ilang mga gitawag ug alagad sa Dios. Kini nga mga "**KRISTOHANON**" nabinhoran sa ilang mga ikog niining mga espiritu sa dulon sa ilang espirituhanon nga kahimtang, ug kon duna may nahibilin, nangalibog, nabungog, nahisalaag sa pag-ila sa **KAMATUORAN SA PULONG SA DIOS**. Sila dili na manongbalin sa ilang

pagkagapos pinaagi sa espiritu sa dulon ug sa pagsakit sa yawa tungod sa iyang sistema nga aso bisan sila nahibalo na sa kamatuoran sa Dios. Sa ilang pagkahinanok mingto-o ug bakak. Tinuod, sila nahisama sa mga relihiyoso nga mga Paraseo, mga Sadduseo, ug mga Escriba nga diin sila naa sa pagkagahum sa nahulog nga espiritu, nagahawid ug nagatudlo sa mga doctrina ug kalagdaan sa mga tawo. Maoy hinongdan nga usahay kini sila mga boringog ug kulang-kulang kay walay Espiritu Santo. Sila magapabilin na lang nga relihiyoso.

Sa diha nga ang imperno hingpit nga paga-ablihan sa tunga-tunga sa ika 70 nga semana sa Daniel, ang tanang mga espiritu sa dulon, nga diin karon nagpakita na, mosamot ka mapintas dinhi sa kalibotan. Ug kini mao ang una nga ALAUT. Sama sa mananap nga mapintas nga nagadala sa Bantugang Babayeng bigaon, ug sa taud-taud mobalitok sa pagkunis-kunis sa Bantugang Babaye nga bigaon (Pin.17-18). Ang espirituhanon nga dulon andam na nga magasakit niadtong mga kalag nga walay TIMRI SA DIOS diha sa ilang agtang. Kining mga tawhana pagasakiton ug pagdaot maoy hinungdan nga sila mangandoy ug kamatayon. Ug bisan pa niana ang kamatayon molikay nila, ug sa laing bahin siia mahunos sa ilang mga kinabuhi. Ug dili gayud kini mahinabo kanila tungod kay sila maga-angkon sa mga kasakit sa ikos sa tanga sa yawan-on nga espirituhanon nga dulon sulod sa lima ka bulan.

Higala, kon ikaw anaa niining relihiyon nga sestima nga dili iya sa Dios, gikinahangalan nimo karon ang pagkalagiw gikan kanila sa dili pa ang ulahi. Ug kon ikaw nagato-o sa usa ka bahin nga dili gayud pinasukad sa PINADAYAG SA PULONG SA DIOS, ug didto lang gipasukad sa mga sulti-sulti o doktrina sa mangi-alamon nga mga bantugan nga mga tawo, diha sa kredo, dogmas, mga reliheyoso nga mga libro o sa "TAPES", ug uban pa, nagkina-hanglan ka nga molukso ug magsinggit sa mga PAGDAYEG SA DIOS, magkina-hanglan nga imong susihon ang imong pagtoo diha kang Jesu-Kristo. Nag-kinahanglan nga imong isul-ob ang TINUOD NGA BISTI SA PULONG SA DIOS. Gawas niini, ikaw mahigawas ngadto sa mangitngit diin didto adunay mga paghilak ug pagkagut sa mga ngipon (Mateo 22:11-14).

## **ANG MGA TANUM SA KALIBUTAN O TANAMAN SA YUTA**

Atong nahibaloan "*UG SILA GIPINAHAN NGA DILI NILA PAGDAGMALAN ANG TANAMAN SA YUTA, O ANG BISAN UNSANG LUNHAW NGA NAGATUBO O ANG BISAN UNSANG KAHOY, KON DILI ANG MGA TAWO LAMANG NGA WALAY TIMRI SA DIOS DIHA SA ILANG MGA AGTANG*". Kini nga mga sulti nagpamatood nga ang mga dulon nga nakita sa panan-awon dili natural nga mga dulon. Ang natural nga dulon mokaon sa mga tanum sa yuta. Basaha Exodus 10:13- 15, Hinoon, dunay minguspak nga ang mga dulon nga dunay ikog sa tanga literal ug gibuhat sila sa Dios, aron lamang sa pagsakit niadtong nagsalikway sa Maayong Balita. Higala, ang Biblia nagtug-an kanato nga human sa Dios buhata ang tanan SIYA mingpahulay sa iyang pagbuhat

(Gen.2:1-2; Heb.4:10). Kining mga binuhat nga nakita ni Juan mga yawa diin may buhat sa yawan-on nga kali-hukan sa kalibutan.

Unsa man pod ang ipasabut sa "BERDE" ingon sa sagbot o kahoy, nagkahulogan? Ang mga PINILI gayud. Adunay mga BERDE o tanum diin ang mga dulon dili makahilabot. Sila mao ang nga kahoy nga gitanom dinhi sa kalibotan sa daplin sa suba sa BUHING TUBIG SA DIOS PULONG SA DIOS UG SA ESPIRITU. (Salmo 1:3; 23:2; 42:8; Hos.14:8). Sila adunay BALAANG ESPIRITU SA KINABUHI. AMEN. Si satanas dili makapasakit niadtong adunay SILYO SA DIOS diha sa ilang mga agtang. Ug nianang lima ka bulan sa pagsugod sa dakung kasakitan, sa diha nga ang UNANG ALAUT ibobo sa yuta, ang espiritu-hanon nga mga dulon dili usab makahimo sa pagsakit niadtong adunay mga SILYO SA AGTANG ilalum sa mga bulohaton sa duha ka mga saksi, ug sa mga buang-buang nga mga ulay. Sila gihatagan lamang sa pagsakit niadtong mga WALAY SILYO SA DIOS diha sa ilang mga agtang.

## ANG MGA PANAGWAY SA MGA DULON

*"Sa ilang panagway, ang mga dulon daw mga kabayo nga andam alang sa gubat, sa ilang mga ulo dihay morag mga purong-purong nga bulawan, ang ilang mga nawong ingon sa nawong sa tawo.*

*Ang ilang mga buhok ingon sa buhok sa babaye, ug ang ilang mga ngipon ingon sa mga ngipon sa leon.*

*Sila may mga himbis nga daw mga kotamaya nga puthaw, ug ang hinadyong sa ilang mga pako daw kagahob sa daghan mga karo ug mga kabayo nga nanagpanalagan ngadto sa panggubatan" - Pinadayag 9:7-9*

Walay dulon dinhi sa ka1ibutan nga ingon niini ug dili gayud kini mahitabo. Kasagaran sa nahibaloan, uban sa mga magtutudlo sa mga tagna, nagahulagway sila nga kini literal o natural nga mga makina o himan sa iggugubat sama sa eroplano o tanki, ug kini mao ang hubad. Kini nga mga hubad ilang gipalig-on sa Pinadayang 9:17-19. Kini mao ang mga himan sa panggubatan.

Ang panagway sa mga dulon nga gikan sa bung-ao nga walay kinotuban sa nakita sa panan-awon kini nagalarawan sa daghan nga mga butang. Una, sila sama sa "MGA KABAYO NGA ANDAM SA GUBAT". Kini nagapunting kanato nga kining mga yawa gipadala sa usa ka panggubatan batok sa punoan - nga mao si Kristo Jesus - aron sa paglag-lag (Pinadayag 19:11-16) "UG ANG HINADYONG SA ILANG MGA PAKO DAW KAGAHUB SA DAGHANG MGA KARO NGA NAGAPANALAGAN SA PANGGUBATAN" nagkahulogan kini sa kahaguroso sa ilang pagsulong nga daw walay makabalda. Sila mga espirituhanon nga mga himan sa panggubatan ingon nga pagkasulti. Hinumdomi nga ang buhat sa espirituhanon nga yawa naa sa duha. (gingharian o yuta). Ang kasulatan nagtug-an kanato nga aduna gayud gubat

espirituhanon, sa langit ug sa yuta (Pin.12:7; Mateo 11:12). Sa diha nga wala pa sa Dios natawag sa katapusan nga pinili ngadto sa iyang gingharian, Busa **"ISUL-OB NINYO ANG TIBUOK HINAGIBAN SA DIOS, ARON MAKABARUG KAMO BATOK SA MGA MALIPAT-LIPATONG KAUGDAHAN SA YAWA KAY ANG ATONG PAKIGDUMOG DILI BATOK SA MGA BINUHAT NGA UNOD UG DUGO KON DILI BATOK SA MGA PUNOAN SA KAGAMHANAN, BATOK SA MGA LABAWNG AGALON NIINING MANGITNGIT NGA KALIBUTAN KARON, BATOK SA MGA DAUTAN NGA ESPIRITUHANONG PANON DIHA SA MGA DAPIT SA KALANGITAN. TUNGOD NIINI, DAD-A NINYO ANG TIBUOK HINAGIBAN SA DIOS ARON MAKASUKOL KAMO INIG ABOT SA ADLAW SA KALISDANAN UG MAKAPUGONG KAMO SA INYONG BARUGANAN TAPUS SA INYONG TANANG PAKIGBISOG. BUSA, PUGNGI GAYUD NINYO ANG INYONG GINABARUGAN SA MABINAKSAN ANG INYONG MGA HAWAK SA KAMATUORAN, UG SA MASUL-OBAN KAMO SA KOTAMAYA NGA MAO ANG PAGKAMATARUNG UG SA MASINAPINAN ANG INYONG MGA TIIL SA PANGANDAM SA MAAYONG BALITA SA KADAITAN UG DUGANG SA TANAN DAD-A NINYO ANG KALASAG NGA MAO ANG PAGTOO, NGA PINAAGI NIINI ARANG KAMO MAKAPALONG SA TANANG MGA NAGADILAAB NGA UDYONG SA DAUTAN UG DAWATA NINYO ANG SALAKUT NGA MAO ANG KALUWASAN UG ANG ESPADA NGA MAO ANG ESPIRITU NGA MAO ANG PULONG SA DIOS. PAG-AMPO KAMO SA TANAN PANAHOON PINAAGI SA ESPIRITU SA TANANG PAG-AMPO UG PANGAMUYO KAMO ALANG SA TANANG MGA BALAAN"** (Efeso 6:11-18).

Sunod, *"diha sa ilang mga agtang dunay mga purong-purong nga morag bulawan ug ang ilang mga nawong ingon sa nawong sa tawo"*. Naghulagway sa bakak nga himaya diha sa kaalam sa tawo diin kining espirituhanon nga dulon naggamit aron sa pagbuhat sa yawan-on nga **"IGLESIA SA DIOS"**. Tanawa ang *"Kinabuhing Kristohanon"* imong makita ang dagku ug nindot nga mga simbahan, dagku nga mga programa, ug dagku sa tanan. Ug tan-awa ang ilang mga pangulo, dili ikaw mapakyas sa pagtan-aw *"Mas Balaan pa sila"* sa dagway diin sila ra ang naghimo. Sila graduado sa dagku nga mga hamiling seminario; gikuronahan sa kwadrado nga kalo ug gibitayan ug laso aron sila makahimo sa ilang katungod nga tawgon sa nagkalain-lain nga grado. Sila morag manulunda sa kahayag, di'ba, tan-awa ang ilang panagway, dili ba sila dagway man sa manggialamon nga mga tawo? Pareha sa mga Paraseo, Saduseo, ug mga Escriba? Wala sila'y hinungdan kon dili mga maut ug mga lobo nga nag sanina ug pagkakarnero! Dili ba adunay ilang mga kalagdaan nga hinimo lang ug tawo sa ilang pagkareliheyoso nga diin imo sila matan-aw nga sila pagatawgon *"Reverend"*, *"Right Reverend"*, *"Very Reverend"*, *"Cardinal"*, *"Monsignor"*, *"Archbishop"*, *"Doctor"*, ug uban pa nga maingon-ingon niini nga mga tawag nga maoy ilang nadawat sa diha nga nakahuman sila Mat.23:1-7, Isa.65:5 nga nagaingon: Maglain ka pagtindog sa imong kaugalingon, ayaw



pagduol kanako, kay ako labing balaan kay kanimo? Apan kini sila mao ang aso sa akong ilong, usa ka kalayo nga nagadilaab sa tibook nga adlaw. Nag-ingon ang Ginoo. Karon, si Kristo ilado ba sama nianang paagiha? Wala. Siya usa lamang ka yano nga halos walay makadani (Isa.53:2-3) Wala siya moanhi aron mailhan sa mga kaparian sa ilang panahon. Siya gitawag ug Belsebub, maoy ilang panghuna-huna ug pagtawag. Mao gihapon sa tinuod nga mga tinun-an ni Kristo ug sa iyang propeta. Kon sila nia pa niining atong kapanahonan karon, walay "TH.D.", "D.D." ug uban nga mga litra sa ilang mga ngalan, dawaton ba kaha sila niining dagku karon nga reliheyosong pundok sa mga Kristohanon? Dili gayud, tungod kay adunay dakung kausaban sa mga tawo ug sa ilang pangreliheyoso.

Ug sa unang tunga-tunga sa 1 Corinto Capitulo II, si Apostol Pablo naghigot sa pangulo ug sa iyang himaya. Sa versiculo 15, siya nag-ingon "*Kon ang babaye adunay taas nga buhok kini usa ka himaya; tungod kay ang iyang buhok gihatag kaniya ingon sa tabon pandong. Ang taas nga buhok sa babaye nagpamatuod sa iyang pangulo diha kaniya. Kini naghulagway ug pagkamasinugtanon ngadto sa kagahum nga taas pa sa iya ug kini nagpandong usab kaniya. Karon, atong mahibaloan nga ang babaye gitepo sa Iglesia nga gisaad ngadto kang Kristo*" (2 Cor.11:2), ug si Kristo, ang tawo, mao ang ulo sa Iglesia, ang Babaye ang iyang himaya mao si Kristo, pulong sa Dios. Ang Iglesia gipurong-purongan sa himaya sa pulong. Kon kaulawan ang gidangatan sa magtotoong babaye tungod kay nagpakaulaw man siya, siya sa iyang ulo pinaagi sa pagputol (trimming) sa iyang buhok nga maoy iyang pandong, unsay magapanghitabo sa diha nga ang iglesia magaputol (magakuha) sa mahimayaong nga pandong sa balaang pulong sa Dios nga maoy gihatag kaniya ug iyang giilisan sa mga tawhanon nga kalagdaan ug dogmas? Sa walay duha-duha siya nagaatubang sa makahahadlok nga panghitabo tungod kay si satanas nagbutang sa bisan unsa na lang nga tawhanon nga kaalam nga iyang naangkon. Iyang gipagawas ang espiritu sa dulon ingon ug "*sila adunay buhok daw buhok sa babaye*" aron lamang sa pagsundog sundog sa himaya sa pulong sa Dios. Nagpakamagtotoo, babakon nga mga magtutudlo, bakak nga Kristianismo, tan-awon ingon nga mga reliheyoso — tan-awon morag tinuod. Tinuod, sila madanihon ug maanindot, apan ang ilang mga ngipon sama sa ngipon sa leon. Unsa ka dagku sa ilang mga ngipon! Pinakamaayo gayud mopatay, sama sa nagangolob nga mga leon, nagalakaw-lakaw, nagapangita ug matukob (1 Pedro 5:8; Ezek.22:25; Joel 1:6,7).

Aron makahimo kita sa pagbarog sa diha nga mosulong na ang kaaway, ang tinuod nga magtotoo sa Biblia gitambagan ni Apostoles Pablo dalha ang tibook hinagiban sa Dios (Efeso 6:10-18). Ang kotamaya nga mao ang pagkamatarung, pagtoo, ug gugma (1 Tes.5:8) bahin sa tibook hinagiban, kini nagbantay, nagpanalipod sa bahin sa espirituhanon nga lawas nga maoy

nagpalig-on sa atong pagtoo, gugma ug pagkamatarung diha sa pulong nga saad sa Ginoo. Ang mga yawa adunay kotamaya nga daw puthaw, apan sila ang ilang kotamaya mao ang ilang kabantug ug kadaku sa ilang dagku nga mga sestima. Tan-awa si Goliath sa mga Pilistihanon nga mingbarog aron paghagit sa mga sundalo sa Israel. Siya daku nga tawo ug nagsalig sa kagamhanan nga daku nga nasud, ug sa iyang saput nga puthaw sa linain paghimo alang kaniya. Daku nga bantugan, puthaw maoy kusog. Sa tanan sila nagasimbolo "*dili malaglag*", labi na sa iyang kotamaya nga puthaw nga nagatabon sa iyang dughan ug nagsalipod sa kasing-kasing. Si Goliath nagtoo nga walay makapatay kaniya. Apan ang iyang patoo diha lang sa sulod sa iyang "*kalabira*" dapit sa tawhanon nga kaalam. (di ba ang bukid sa kalabera maoy dapit nga ilang gilansang si Jesus Kristo (Juan 19:17-18)? Di ba sa ilang pagkamangi-alamon ilang gilansang ang pulong sa Dios tungod sa ilang pagkamangi-alamon sa pangutok sulod sa kaysaysayan sa iglesia. Si David adunay puno sa kahibalo sa diha nga iyang giatubang si Goliath sa pangalan ni Jehova ug pinaagi lang sa usa ka bato nga pagtoo gibutang sa insakto nga dapit, siya nagputol sa manggi-alamon, hambugon ug yutan-on nga kabatok sa Dios. Amen.

## HARI SA MGA DULON

Sa paghari kanila, dihay ilang gipakahari nga mao ang manulonda sa kahiladman nga walay kinutoban nga ang iyang ngalan sa pinulongan Hebrohanon mao si Abaddon, ug sa pinulongang Gresyanhon siya ginganlan si Apolion (Pin.9:11).

Kini nga versiculo wala magkinahanglan ug hubad. Atong maklaro nga sa matag sundalo. Aduna gayud ilang pangulo o hari. Ang hari sa mga espirituhanon nga mga dulong walay lain kon dili si Satanas ang kaaway sa Dios. Ang iyang ngalan sa Hebrohanon Abaddon, nagtug-an kanato nga siya usa ka manulonda nga maglaglag ug sa greego nga pinulongan maglaglag nga maglaglag sa tuman. Tinuod, si satanas, bakakon ug mamomuno sa sinugdan, nagapangita aron sa pagkawat ug pagpatay (Juan 10:10; 8:44; Pin.11:7). Hinoon, sa iyang panahon gamay na lang ug nahibalo siya nga si Kristo mobalik ug maghari magdumala ug maghari sa tanan mga hari sulod sa usa ka libo ka mga tuig. Sa diha nga ang iyang panahon tapus na, ug ang manolunda sa langit pagatagaan ug yawe a bung-aw nga kahiladman nga walay kinutuban. Kini nga manolunda gitagaan ug kagahum ug gahum aron pagkuha kang satanas ug gapuson siya sa daku nga talikala. Ug iyang gitambog siya ngadto sa bung-aw, ug iyang gitabonan kini ug gitimbrihan kini sa ibabaw niya, aron dili na siya makapahisalaag sa kanasuran hangtud matapos ang usa ka libo ka tuig. Pin.20:3. Pinaagi sa langitnong silyo gibutang kaniya ug ang iyang hugaw nga buho ni satanas aron dili na siya makapahisalaag sa kanasuran samtang si

Kristo ug ang iyang mga balaan magahari dinhi sa kalibutan. Human sa usa ka libo ka mga tuig, PANAHON SA PAG USAB matapus na, si satanas pagabuhian sa makadiyut nga panahon – ug katapusan nga higayon – human niana siya itambug ngadto sa linao nga kalayo ug siya malaglag (Pin.20:1-10).

## PANAPUS SA TIBUOK NGA GIHISGUTAN

Igsoon kong magtotuo sa biblia, atong nakita karon ang pagkuyahap sa yawa sa atong atubangan ug sa mga katawhan sa tibuok kalibutan, unsa nga klase kita nga mga tawo karon. Ang tanan nga mga plano sa Dios nagakatuman na — ang pagluwas sa iyang mga katawhan alang sa iyang gingharian. Ang yawa nagpaningkamot sa pagbalit-ad sa plano sa Dios pinaagi sa pagbutang niya ug sundug-sundogon sa atubangan sa mga tawo. Kini gitugot sa Dios aron ang tinuod nga magtotoo madayag ug kadtong nagpakamagtotoo mabutyag. Ang pagsundog-sundog sa yawa sa mga buhat sa Dios wala makapahisalaag sa mga pinili. Walay higayon nga siya makahimo niini. Iya lang mapalibog ug magaguliyang sama sa iyang gibuhay sa unang panahon sa mga katawhan didto sa kapatagan sa Shinar ug didto sa campo sa mga Israel.

Bisan tuod nga ang yawa gihatagan ug mubo nga panahon sa iyang yawan-on nga buhat, ang Dios usab nagmadali usab sa pagtapus sa buluhaton aron matapos usab ang tinago sa Dios, Mao ang pagsumpay sa mga Gentil (Pin.10:7; Roma 11:13-33; 16:25-27; Efeso 3:1-12; Col.1:25-27). Ug ang gidaghanon sa mga gentil matapus na, kita ania na sa katapusan nga panahon nga ang tinago matapus tungod kay nagpuyo man kita sa Laodesia nga iglesia, Panahon nga dagaang (Pin.3:14-22). Ang Dios nasayud sa mga magtotoo nga bugnaw o init, apan sila igasuka sa Dios gikan sa iyang baba kadtong mga dagaang. Tinuod, niining katapusang panahon, ang Dios nag-andam nang daan ug iyang katawhan sa iyang kaugalingon ngalan nga magapangita sa matuod nga PULONG SA DIOS nga gi-inulay sa kalayo ug sa tanang mga butang diha sa espirituhanon ug eternal. Kining mga magtotoo nagapalalum sa ilang pagkab-ot sa PULONG SA KAMATUURAN ug nagpalig-on sa BATO sa ilang kaluwasan pinaagi kang Ginoong Jesus Kristo.

*“Kay mao kini ang giingon ni Jehova sa mga panon: Ngani sa makausa pa, diyutay na lamang nga panahon, ug uyogon ko ang mga langit, ug ang kalibotan, ug dagat, ug ang mamala nga yuta.*

*Ug uyogon ko ang tanang mga nasud; ug ang mga bililhong butang sa tanang mga nasud moabot; ug kining balaya pun-on ko sa himaya, naga-ingon si Jehova sa mga panon.*

*Ang salapi ako man ug ang bulawan ako usab, naga-ingon si Jehova sa mga panon.*

*Ang ulahing himaya niining balaya molabaw pa sa unang himaya, nagaingon si Jehova sa mga panon; ug niining dapita igahatag ko ang pakigdait, naga ingon si Jehova sa mga panon.”* - Haggeo 2:6-9

"Tan-awa nga dili ninyo igasalikway siya nga mao ang nagasulti. Kay kon wala man gani sila managpakaikyas nga misalikway kaniya nga nagpahamatngon kanila dinhi sa yuta, labi pang dili kita makaikyas kon kita magasalikway kaniya nga nagpahamatngon gikan sa langit.

Ang iyang tingog kaniadto mitay-og sa yuta, apan karon ang iyang saad naga-ingon: Sa maka-usa pa usab pagatay-ogon ko dili lamang ang yuta ra kon dili maingon man ang langit.

Kining sultiha, Sa makausa pa usab, nagapasabut nga pagakuhaon ang bisan unsa nga matay-og ra, ingon nga ang mga butang nga binuhat ra, aron kadtong dili matay-og igapabilin.

Busa magmapasalamaton kita tungod sa atong pagkadawat ug gingharian nga dili matarug ug tungod niana ihalad ta ngadto sa Dios ang makapahimuot nga pagsimba, nga inubanan sa pagtahud ug pagkahadlok." - Hebrohanon 12:25-28

"Kini mao ang katapusan sa butang; ug tanan nadungog na: Kahadloki ang Dios ug bantayi ang iyang mga sugo; kay kini mao ang tibuok nga katungdanan sa tawo." - Ecclesiastes 12:13

Hinubad Ni:

*Igsoon Orsel B. Dumanon*

*House of Prayer*

*Baan, Mahogany Road*

*Butuan City*

*Philippines*

Hinubad gikan nga mensahe

*"BOTTOMLESS PIT" (BUNG-AW SA KAHILADMAN*

*NGA WALAY KINUTOBAN)*

*By Igsoon Richard Gan,*

*Prophetic\*Revelation (Mga Tagna nga Gipadayag)*

*Singapore*